



白氏長慶集卷之十六

東南行一百寄通韻州元九侍御

豐州李十一舍人果州崔二十二

使君開州韋大員外庾三十二補

闕杜十四拾遺李二十助教員外

竇七校書

南去經三楚東來過五湖山頭看候館水

面問征途地遠窮江界天低極海隅飄零

同落葉浩蕩似乘桴漸覺鄉原異深知土

產殊夷音語嘲啞蠻態笑睢盱水市通闕

閩烟村混舳艫吏徵漁戶稅人納火田租

亥日饒蝦蟹寅年足虎羆成人男作事

鬼女為巫樓閣攢娼婦隄喧簇販夫夜船

論鋪賃春酒斷鋸沽見果多盧橘聞禽悉

鷓鴣山歌猿獨叫野哭鳥相呼嶺微雲成

棧江郊水當郭月橋翹柱鶴風汎颭檣烏

鼇礙潮無信蛟驚浪不虞鼉鳴泉窟室蚤
結氣浮圖樹裂山魃穴沙含水弩樞喘牛
犁紫芋羸馬放青菰繡面誰家婢鴟頭幾
歲奴泥中採菱芡燒後拾樵蘇鼎臍愁烹
鱘盤腥厭膾鱸鍾儀徒戀楚張翰浪思吳
氣序涼還熱光陰旦復晡身方逐萍梗年
欲近桑榆渭北田園廢江西歲月徂憶歸
恒慘澹懷舊忽踟躕自念咸秦客嘗爲鄒
魯儒蘊藏經國術輕棄度關繻賦力凌鸚
鵡詞鋒敵轉轡戰文重掉鞅射策一彎弧
崔杜鞭齊下元韋轡並驅名聲逼揚馬夾
分過蕭朱世務經磨揣周行竊覲覲風雲
皆會合雨露各霑濡共偶昇平代偏慙固
陋軀承明連夜直建禮拂晨趨美服頌王
府珍羞降御厨議高通白虎諫切伏青蒲
栢殿行倍宴花樓走看醜神旗張鳥獸天

籟動笙竽九劔星芒耀魚龍電策驅定場
排漢旅促座進吳歛縹緲疑仙樂嬋娟勝
畫圖歌鬟低翠羽舞汗墮紅珠別選閑遊
伴潛招小飲徒一杯愁已破三盞氣彌麤
軟美仇家酒幽閑葛氏姝十千方得斗二
八正當壚論笑杓胡碑談憐鞞聶嘯李酣
尤短竇庾醉更薦迺鞍馬呼教住散盤喝
遣輸長驅波卷白連擲采成盧籌併頻逃
席觥嚴別置孟滿卮那可灌頽玉不勝扶
入視中樞草歸乘內廐駒醉會衝宰相驕
不揖金吾日近恩雖重雲高勢却孤翻身
落霄漢失脚到泥塗博望移門籍潯陽佐
郡符時情變寒暑世利筭錙銖即日辭雙
闕明朝別九衢播遷分郡國次第出京都
秦嶺馳三驛商山上二邗峴陽亭寂寞夏
口路崎嶇大道全生棘中丁盡執爨江關

未徹警淮寇尚稽誅林對東西寺山分大
小姑廬峯蓮刻削溢浦帶縈紆九派吞青
草孤城覆綠蕪黃昏鍾寂上清曉角鳴
春色辭門柳秋聲到井梧殘芳悲鷓鴣暮
節感茱萸紫坼金英菊花飄雪片蘆波紅
日斜沒沙白月平鋪幾見林抽筍頻驚鷺
引鷓鴣歲華何倏忽年少不須更默思千
古蒼茫想八區孔窮緣底事顏夭有何辜
龍智猶經醢龜靈未免剗窮通應已定聖
哲不能逾况我身謀拙逢他厄運拘漂流
道夫沈冥消意氣窮餓耗肌膚防瘴和殘
也藥迎寒補舊懦書床鳴蟋蟀琴匣網蛛
貧室如懸磬端憂劇守株時遭人指點數
被鬼椰榆兀兀都疑夢昏上半似愚女驚
朝不起妻怪夜長吁萬里拋烟侶三年隔

友于自然悲聚散不是恨榮枯去夏微之
瘡今春席八俎天涯書達否泉下哭知無
謾寫詩盈卷空盛酒滿壺只添新悵望豈
復舊歡娛壯志因愁減衰容與病俱相逢
應不識滿頷白髭鬚
謫居

面瘦頭斑四十四遠謫江州為郡吏逢時
棄置揔不才未老衰羸為何事火燒寒澗
松為燼霜降春林花委地遭時榮悴一時
間豈是昭昭上天意

早攀霄漢初到江州寄翰林張李杜三學士
施恩無厚薄蓬蒿隨分有榮枯傷禽側翅
驚弓箭老婦低顏事舅姑碧落三仙曾識
面年深記得姓名无
庚數晚望

獨憑朱檻立凌晨山色初明水色新竹霧
曉籠衝嶺月蘋風暖送過江春子城陰處
猶殘雪衙鼓聲前未有塵三百年來庾樓
上曾經多少望鄉人

宿西林寺
木落天晴山翠開愛山騎馬入山來心知
不及柴桑令一宿西林便却迴

江樓宴別
樓中別曲催離酌燈下紅裙間綠袍縹緲
楚風羅綺薄錚鏦越調管絃高寒流帶月
澄如鏡夕吹和霜利似刀樽酒未空歡未
盡舞腰歌袖莫辭勞

題山石榴花
一叢千朶壓欄杆翦碎紅綃却作團風嫋
舞腰香不盡露銷粧臉淚新乾薔薇帶刺
攀應懶菡萏生泥翫亦難爭及此花簷戶

下任人採弄盡人看

代春贈

山吐晴嵐水放光辛夷花白柳梢黃但知
莫作江西意風景何曾異帝鄉

荅春

草烟低重水花明從道風光似帝京其柰
山猿江上叫故鄉无此斷腸聲

櫻桃花下歎白髮

逐處花皆好隨年貌自衰紅櫻滿眼日白
髮半頭時倚樹無言久攀條欲放遲臨風
兩堪歎如雪復如絲

惜落花贈崔二十四

漠上紛上不柰何狂風急雨兩相和晚來
悵望君知否枝上稀疎地上多

移山櫻桃

亦知官舍非吾宅且斲山櫻滿院栽上佐

近來多五考少應四度見花開

官舍閑題

職散優閑地身慵老大時送春唯有酒銷
日不過基祿米饜牙稻園蔬鴨脚葵飽食
仍晏起餘暇弄龜兒

花盡頭新白登樓意若何歲時春日少世
界苦人多愁醉非因酒悲吟不是歌求師
治此病唯勸讀楞伽

北樓送客歸上都

憑高送遠一樓上却下朱欄即解頤京路
人歸天直北江樓客散日平西長津欲度
迴船尾殘酒重傾簇馬蹄不獨別君須強
飲窮愁自要醉如泥

疎散郡丞同野客幽閑官舍抵山家春風

北亭招客

北戶千莖竹晚日東園一樹花小盞吹酷
嘗冷酒深爐敲火炙新茶能來盡日宮棊
否太守知慵放晚衙

宿西林寺早赴東林滿上人之會

因寄崔二十二員外

謫辭魏闕鷲鸞隔老入廬山麋鹿隨薄暮
蕭條投寺宿凌晨清淨與僧期雙林我起
聞鍾後隻日君趨入閤時鵬鷄高低分皆
定莫勞心力遠相思

遊寶彌寺

竹寺初晴日花塘欲曉春野猿疑弄客山
鳥似呼人酒嫩傾金液茶新碾玉塵自憐
幽靜地堪寄老慵身

早春聞提壺鳥因題鄰家

厭聽秋猿催下淚喜聞春鳥勸提壺誰家
紅樹先花發何處青樓有酒沽進士龕豪

尋靜盡拾遺風彩近都無欲期明日東鄰
醉變作騰上一俗夫

一叢暗淡將何比見紫薇花憶微之淺碧籠裙襯紫巾除却
微之見應愛人間少有別花人一叢獨死不知其故因有

柯條未嘗損根發不曾移同類今齊茂孤
是篇

芳忽獨萎仍憐委地日正是帶花時碎碧
初凋葉樵紅尚戀枝乾坤無厚薄草木自
榮衰欲問因何事春風亦不知

湖亭望水

久雨南湖漲新晴北客過日沉紅有影風
定綠無波岸沒問閭少灘平船舫多可憐
心賞處其柰獨遊何
閑遊

外事因慵廢中懷與靜期尋泉上山遠看
笋出林遲白石磨樵斧青竿理釣絲澄清
深淺好最愛夕陽時

憶微之傷仲達李三仲遠去年春

喪

幽獨辭羣父漂流去國賒只將琴作伴唯
以酒為家感逝因看水傷離為見花李三
埋地底元九謫天涯舉眼青雲遠迴頭白
日斜可能勝賈誼猶自滯長沙

過鄭處士

聞道移居村塢間竹林多處獨開關故來
不是求他事暫借南亭一望山

霖雨苦多江湖暴漲塊然獨望因題北亭

自作潯陽客無如苦雨何陰昏晴日少閑
悶睡時多湖闊將天合雲低與水和籬根

舟子語巷口釣人歌霧鳥沉黃氣風帆蹴
白波門前車馬道一宿變江河

春末夏初閑遊江郭二首

閑出乘輕屐徐行蹋軟沙觀魚傍溢浦看

竹入楊家林迸穿籬筍藤飄落水花雨埋

釣舟小風颺酒旗斜嫩剥青菱角濃煎白

茗芽奄留不知夕城樹欲栖鴉

柳影繁初合鶯聲澁漸稀早梅迎夏結殘

絮送春飛西日韶光盡南風暑氣微展張

新小簾熨帖舊生衣綠蟻杯香嫩紅絲鱠

縷肥故園無此味何必苦思歸

紅藤杖杖出南蠻

南沼紅藤杖西江白首人時上携步月處

處把尋春勁健孤莖直踈圓六節勻火山

生處遠瀘水洗來新粗細纒盈手高低僅

過身天邊望鄉客何日柱歸秦

風雨中尋李十一因題船上

匹馬來郊外扁舟在水濱可憐衝雨客來

訪阻風人小榼沾清醕行厨煮白鱗停盃

看柳色各憶故園春

題廬山下湯泉

一眼湯泉流向東浸泥澆草煖無功驪山

溫水因何事流入金鋪玉甃中

寄蘄州簾與元九因題六韻

笛竹出蘄春霜刀劈翠筠織成雙入簾寄

與獨眠人卷作筒中信紆為席上珍滑如

鋪薤葉冷似卧龍鱗清潤宜乘露鮮華不

受塵通州炎瘴地此物最關身

秋熱

西江風候接南威暑氣常多秋氣微猶道

江州最涼冷至今九月著生衣

題元八谿居

溪嵐漠漠樹重疊水檻山窓次第逢晚葉
尚開紅躑躅秋房初結白芙蓉聲來枕上
千年鶴影落杯中五老峯更媿殷勤留客
意魚鮮飯細酒香濃

散吏閑如客貧州冷似村早涼湖北岸殘
照郭西門懶鑷從鬚白休治任眼昏老來
何所用少興不多言

階下蓮
葉展影翻當砌月花開香散入簾風不如
種在天池上猶勝生於野水中

賈生俟罪心相似張翰思歸事不如斜日
早知驚鵬鳥秋風悔不憶鱸魚曾襟會貯
匡時策懷袖猶殘諫獵書從此萬緣都擺
落欲携妻子買山居

君遊丹陛已三遷我汎滄浪欲二年
曉趨雙鳳闕烟波夜宿一漁船交親盡在
青雲上鄉國遙拋白日邊若報生涯應笑
殺結茅栽芋種畬田

朱檻在空虛涼風八月初山形如峴首江
色似桐廬佛寺乘船入人家枕水居高亭
仍有月今夜宿何如

南國雖多熱秋來亦不遲湖光朝露後竹
氣晚涼時樓閣宜佳客江山入好詩清風
水蘋葉白露木蘭枝欲作雲泉計須營伏
臘資匡廬一步地官滿更何之

年上漸見南方物事上堪傷北客情山鬼
送客之湖南

趨跳唯一足，峽猿哀怨過三聲。帆開青草湖中去，衣濕黃梅雨裏行。別後雙魚難定寄，近來潮不到益城。

百花亭晚望夜歸

百花亭上晚徘徊，雲景陰晴掩復開。日色悠悠揚映山，盡雨聲蕭颯渡江來。鬢毛遇病雙如雪，心緒逢秋一似灰。向夜欲歸愁未了，滿湖明月小船迴。

西樓

小郡大江邊，危樓夕照前。青蕪卑濕地，白露次寥天。鄉國此時阻，家書何處傳。仍開陳蔡戍，轉戰已三年。

尋李道士山居兼呈元明府

盡日行還歇，遲上獨上山。攀藤老筋力，照水病容顏。陶巷招居住，茅家許往還。飽諳榮辱事，無意戀人間。

四十五

行年四十五，兩鬢半蒼。清瘦詩成癖，龕豪酒放狂。老來尤委命，安處即為鄉。或擬廬山下，來春結草堂。

寄李相公崔侍郎錢舍人

會陪鶴馭兩三仙，親侍龍輿四五羊。天上歡華春有限，世間漂泊海無邊。榮枯事過都成夢，憂喜心忘便是禪。官滿更歸何處去，香爐峯在宅門前。

廳前桂

天台嶺上凌霄樹，司馬廳前委地叢。一種不生明月裏，山中猶校勝塵中。

尋王道士藥堂因有題贈

行上覓路綠松橋，步上尋花到杏壇。白石先生小有洞，黃芽姪女大還丹。常悲東郭千家塚，欲乞西山五色丸。但恐長生須有

籍仙臺試為檢名看

秋晚

籬菊花稀砌桐落樹陰離
日色薄單幕
踈簾貧寂寞涼風冷露秋
蕭索光陰流轉
忽已晚顏色凋殘不如昨
萊妻卧病月明
時不擣寒衣空擣藥

南浦歲暮對酒送王十五歸京

臘後冰生覆溢水夜來雲閣失廬山風飄
細雪落如米索上蕭上蘆葦間此地二年
留我住今朝一酌送君還相看漸老无過
醉聚散窮通揔是閑

除夜

薄晚支頤坐中宵枕臂眠一從身去國再
見日周天老度江南歲春拋渭北田潯陽
來早晚明日是三年
聞李十一出牧澧州崔二十二出

平生相見即眉開靜念無如李與崔各是
天涯為刺史緣何不覓九江來

憤然有感率爾成章
元和中三年淮寇未平詔停歲仗

聞停歲仗軫皇情應為淮西寇未平不分
氣從歌裏發無明心向酒中生愚計忽思
飛短檄狂心便欲請長纜從來妄動多如
此自笑何曾得事成

更樓新歲

歲時銷旅貌風景觸鄉愁牢落江湖意新
年上庾樓

上香爐峯

倚石攀蘿歇病身青筇竹杖白紗巾他時
畫出廬山幃便是香爐峯上人
憶微之

與君何日出屯蒙魚戀江湖鳥厭籠分手
各拋滄海畔折腰俱老綠衫中三年隔閣
音塵斷兩地飄零氣味同又被新年勸相
憶柳條黃軟欲春風

甲濕沙頭宅連陰雨夜天共聽簷溜滴心
事兩悠然把酒循環飲移床曲尺眠莫言
非故舊相識已三年

寒食江

草香沙暖水雲晴風景令人憶帝京還似
往年春氣味不宜今日病心情聞鶯樹下
沉吟立信馬江頭取次行忽見紫桐花悵
望下邳明日是清明

三日歡遊辭曲水二年愁卧在長沙每登
高處長相憶何况茲樓屬使家

聞李六景儉自河東令授唐鄧行
軍司馬以詩賀之

誰能淮上靜風波聞道河東應此科不獨
文詞供奉記定將談笑解兵戈泥埋劍戟
終難久水借蛟龍可在多四十著緋軍司
馬男兒官職未蹉跎

石楠樹

可憐顏色好陰涼葉翦紅棧花撲霜傘蓋
低垂金翡翠薰籠亂搭繡衣裳春芽細炷
千燈焰夏藥濃焚百和香見說上林無此
樹只教桃李占年芳

大林寺桃花

人問四月芳菲盡山寺桃花始盛開長恨
春歸無覓處不知轉入此中來

詠懷

自從委順任浮沉漸學年多功用深面上

威除憂喜色，曾中消盡是非心。妻兒不知命，江籬叢畔苦悲吟。

早發楚城驛

過雨塵埃滅，松江道徑平。月乘殘夜出，人趁早涼行。寂歷閑吟動，冥濛闇思生。荷塘翻露氣，稻隴瀉泉聲。宿犬聞鈴起，栖禽見火驚。隴上煙樹色，十里始天明。

箬峴東池

箬峴亭東有小池，早荷新荇綠參差。中宵把火行人發，警散雙棲白鷺鷺。

建昌江

建昌江水縣門前立，馬教人喚渡船忽似往年歸。蔡渡草風沙雨渭河邊。

哭從弟

傷心一尉便終身，叔母年高新婦貧。一片

綠衫消不得，腰金拖紫是何人。

香爐峯下新卜山居草堂初成偶題東壁五首

五架三間新草堂，石塔桂柱竹編牆。南簷

納日冬天暖，北戶迎風夏月涼。灑砌飛泉纔有點，拂窓斜竹不成行。來春更葺東廂

屋，紙閣蘆簾著孟光。

重題

喜入山林初息影，厭趨朝市久勞生。早年薄有烟霞志，歲晚深諳世俗情。已許虎溪雲裏卧，不爭龍尾道前行。從茲耳界應清淨，免見啾唧毀譽聲。

長松樹下小谿頭，斑鹿胎中白布裘。藥圃茶園為產業，野麋林鶴是交遊。雲生澗戶衣裳潤，嵐隱山厨火燭幽。最愛一泉新引得，清冷屈曲遶階流。

日高睡足猶慵起小閣重衾不怕寒遺愛寺鍾歇枕聽香爐峯雪撥簾看匡廬便是逃名地司馬仍爲送老官心忝身寧是歸處故鄉可獨在長安

宦途自此心長別世事從今口不言豈止形骸同土木兼將壽夭任乾坤曾中壯氣猶須遣身外浮榮何足論還有一條遺恨事高家門館未酬恩

山中問月

爲問長安月誰教不相離昔隨飛蓋處今照入山時借助秋懷曠留連夜卧遲如歸舊鄉國似對好親知松下行爲伴谿頭坐有期千巖將萬壑死處不相隨

正月十五日夜東林寺學禪偶懷

藍田揚主簿因呈智禪師
新年三五東林夕星漢迢迢上
鍾梵遲花縣

當君行樂夜松房是我坐禪時忽看月滿還相憶始歎春來自不知不覺定中微念起明朝更問鴈門師

臨水坐

昔爲東掖垣中客今作西方社內人手把楊枝臨水坐閑思往事似前身

山居

山齋方獨往塵事莫相仍籃輿辭鞍馬緇徒換友朋朝食唯藥菜夜伴只紗燈除却青衫在其餘便是僧

遺愛寺

弄石臨谿坐尋花遶寺行時上聞鳥語處處是泉聲

山中與元九書因題書後

憶昔封書與君夜金鑿殿後欲明天今夜封書在何處廬山菴裏曉燈前籠鳥檻猿

俱未死人間相見是何年

黃石巖下作

以別鶴鸞侶深隨鳥獸羣教他遠親故何處覓知聞昔日青雲意今移向白雲

戲贈李十三判官

垂鞭相送醉醺七遙見廬山指似君想君

初覺從軍樂未愛香鑪峯上人

醉中戲贈鄭使君時使君先歸

留妓樂重飲

密座移紅毯醺顏照綠杯雙娥留且住五

馬任先迴醉耳歌催醒愁眉笑引開平生

少年興臨老慙重來

江亭夕望

憑高望遠思悠哉晚上江亭夜未迴日欲

沒時紅浪沸月初生處白烟開辭枝雪藥

將春去滿鑷霜毛送老來爭敢三年作歸

計心知不及賈生才

酬元貞外三月三十日慈恩寺相

憶見寄

悵望慈恩三月盡紫桐花落鳥關七誠知

曲水春相憶其柰長沙老未還赤嶺猿聲

催白首黃茅瘴色換朱顏誰言南國無霜

雪盡在愁人鬢髮間

偶然二首

楚懷邪亂靈均直放棄合宜何惻七漢文

明聖賈生賢謫向長沙堪歎息人事多端

何足怪天文至信猶差惑月離于畢合霧

霽有時不雨誰能測

火發城頭魚水裏救火竭池魚失水乖龍

藏在牛領中雷擊龍來牛枉死人道著神

龜骨聖試卜魚牛那至此六十四卦七十

鑽畢竟不能知所以

中秋月

萬里清光不可思，添愁益恨遠天涯。誰人

隴外父征戍，何處庭前新別離。失寵故姬

歸院夜沒蕃，老將上樓時照他。幾許人腸

斷玉免銀蟾，遠不知。寄新蜀茶

謝李六郎中寄新蜀茶

故情周匝向交親，新茗分張及病身。紅紙

一封書後信，綠芽十片火前春。湯添勺水

煎魚眼，末下力圭攪麴塵。不寄他人先寄

我，應緣我是別茶人。

攜諸山客同上香爐峯，遇雨而還

沾濡狼籍互相笑，謔題此解嘲。

瀟洒登山去，龍鍾遇雨迴。磴危攀薜荔，石

滑踐莓苔。襪汗君相謔，鞋穿我自咍。莫欺

泥土脚，曾踏玉階來。

彭蠡湖晚歸

彭蠡湖天晚，桃花水氣春。鳥飛千白點，日

沒半紅輪。何必為遷客，無勞是病身。但來

臨北望，少有不愁人。

酬贈李鍊師見招

幾年同諫直，承明今日求。真禮上清曾犯

龍鱗容不死，欲騎鶴背覓長生。劉綱有婦

仙同得，伯道无兒累。更輕若許移家相近

住，便驅雞犬上層城。

雲黑雨脩上，江河雨夜送客

月伴登樓酒罷無，多興帆開不少留。唯看

一點火遙認，是行舟。

登西樓憶行簡

每因樓上西南望，始覺人間道路長。礙日

暮山青簇上，浸天秋水白茫茫。風波不見

三年面，書信難傳萬里腸。早晚東歸來下

峽穩乘船舫過瞿塘

羅子

有女名羅子生來纔兩春我今年已長日
夜二毛新顧念嬌啼面思量老病身直應
頭似雪始得見成人

讀靈徹詩

東林寺裏西廊下石片鐫題數首詩言句
怪來還校別看名知是老湯師

聽李士良琵琶

聲似胡兒彈舌語愁如塞月恨邊雲閑人
斲聽猶眉斂可使和蕃公主聞

昭君怨

明妃風貌最娉婷合在椒房應四星只得
當年備宮掖何曾專夜奉幃屏見踈從道
迷圖畫知屈那教配虜庭自是君恩薄如
紙不須一向恨丹青

閑吟

自從苦學空門法銷盡平生種七心唯有
詩魔降未得每逢風月一閑吟

戲問山石榴

小樹山榴近砌栽半含紅萼帶花來爭知
司馬夫人妬移到庭前便不開

編集拙詩成一十五卷因題卷末
戲贈元九李二十

一篇長恨有風情十首秦吟近正聲每被
老元偷格律苦教短季伏歌行世間富貴
應無分身後文章合有名莫怪氣籠言語
大新排十五卷詩成

湖上閑望

藤花浪拂紫茸條菰葉風翻綠翦刀閑弄
采芳生楚思時上合眼詠離騷

白氏長慶集卷之十六

白氏長慶集卷之十七

江南謫居十韻

自哂沉冥客曾為獻納臣壯心徒許國薄
命不如人纔展凌雲翅俄成失水鱗葵枯
猶向日蓬斷即辭春澤畔長愁地天邊欲
老身蕭條殘活計冷落舊交親草合門無
徑煙消甑有塵憂方知酒聖貧始覺錢神
虎尾難容足羊腸易覆輪行藏與通塞一
切任陶鈞

江樓夜吟元九律詩成三十韻

昨夜江樓上吟君數十篇詞飄朱檻底韻
墮淶江前清楚音諧律精微思入玄收將
白雪麗奪盡碧雲妍寸截金為句雙雕玉
作聯八風凄間發五彩爛相宣冰扣聲上
冷珠排字七圓文頭交比綉筋骨軟於綿
瀕湧同波浪錚鏦過管絃醴泉流出地鈞

樂下從天神鬼聞如泣魚龍聽似禪星迴
疑聚集月落為留連鴈感無鳴者猿愁亦
悄然交流遷客淚斜行題粉壁短卷寫紅牋
乞潛聞思婦傳斜行題粉壁短卷寫紅牋
肉味經時忘頭風當日痊老張知定伏短
李愛應顛道屈才方振身閑業始專大教
聲烜赫理合命迤邐顧我文章劣知他氣
力全功夫雖共到巧拙尚相懸各有詩千
首俱拋海一邊白頭吟處變青眼望中穿
酬荅朝妨食披尋夜廢眠老償文債負宿
結字因緣每歎陳夫子常嗟李謫仙名高
折人爵思苦減天年不得當時遇空令後
代憐相悲今若此溢浦與通川
尋陽歲晚寄元八郎中庾三十三

貞外

閱水年將暮燒金道未成丹砂不肯死白

髮事須生病肺慙杯滿衰顏忌鏡明春深
舊鄉夢歲晚故交情一別浮雲散雙瞻列
宿榮螭頭階下立龍尾道前行封事輝聞
奏除書數見名虛懷事僚友平步取公卿
漏盡雞人報朝迴幼女迎可憐白司馬老
大在溢城

元九以綠絲布白輕裕見寄製成
衣服以詩報知

綠絲文布素輕裕珍重京華手自封貧友
遠勞君寄附病妻親為我裁縫袴花白似
秋雲薄衫色青於春草濃欲著却休知不
稱折腰無復舊形容

九江春望

森茫積水非吾土飄泊浮萍是我身上外
信綠為活計眼前隨事覓交親鑪烟豈
終南色盈草寧殊渭北春此地何妨便終

老匹如元是九江人
晚題東林寺雙池

向晚雙池好初晴百物新
水躍紅鱗漾汎同遊子蓮開當麗人
臨流

一惆悵還憶曲江春

贈內子

白髮方興歎青娥亦伴愁
女戲床頭閨澹弄惟故妻
涼枕席秋貧小有等級猶勝嫁黔婁

送客春遊嶺南二十韻因叙南中

方物以諭之并擬微之送崔二十
二之作

已訝遊何遠仍嗟別太頻
語我殷勤迢遞天南面蒼茫海北濬
國分界交趾郡為鄰
氣勻陰晴變寒暑昏曉錯星辰瘴地難為

老蠻陬不易馴土民稀白首洞主盡黃巾

戰艦猶驚浪戎車未息塵
綬裹文身麵苦枕榔衰漿酸橄欖新牙檣

迎海舶銅鼓賽江神不凍貪泉暖無霜毒
草春雲烟蟒蛇氣刀劍鰐魚鱗路足羈棲

客官多謫逐臣天黃生颯母雨黑長楓人
迴使先傳語征軒早返輪
愛橐中珍北與南殊俗身將貨孰親嘗聞

君子誠憂道不憂貧
清明日送韋侍御貶虢州

寂寞清明日蕭條司馬家
火煮新茶欲別能無酒相留亦有花
更何處此地已天涯
南遷

自題

功名宿昔人多許寵辱斯須自不知
失恩先左降三年隨例未量移
馬頭覓角

生何日石火敲光住幾時前事是身俱若
此空門不去欲何之

火宅煎熬地霜松摧折身因知羣動內易
死不過人自悲

尋郭道士不遇

郡中乞暇來相訪洞裏朝元去不逢看院
祇留雙白鶴入門唯見一青松藥鑪有火
丹應伏雲碓無人水自舂欲問參同契中
事更期何日得從容

潯陽春三首

春生何處闔周遊海角天涯遍始休先遣
和風報消息續教啼鳥說來由展張草色
長河畔點綴花房小樹頭若到故園應覓
我爲傳淪落在江州

春來

春來觸動故鄉情忽見風光憶兩京金谷
蹋花香騎入曲江碾草鈿車行誰家綠酒
歡連夜何處紅樓睡失明獨有不眠不醉
客經春冷坐古益城

春去

一從澤畔爲遷客兩度江頭送暮春白髮
更添今日鬢青衫不改去年身百川未有
迴流水一老終無却少人四十六時三月
盡送春爭得不殷勤

夢微之

晨起臨風一惆悵通川益水斷相聞不知
憶我因何事昨夜三迴夢見君

贈韋鍊師

潯陽遷客爲居士身似浮雲心似灰上界
女仙無嗜慾何因相顧兩徘徊共疑過去

人間世曾作誰家夫婦來

問劉十九

綠螳新醅酒紅泥小火爐晚來天欲雪能飲一盃無

朝來又得東川信欲取春初發梓州書執

九江間躑喜路經三峽想還愁瀟湘瘴霧

加食飯艷潏驚波穩泊舟欲寄兩行迎爾

淚長江不肯向西流

風迴雲斷雨初晴反照湖邊暖復明亂點

碎紅山杏發平鋪新綠木蘋生翅低白鴈

飛仍重舌澁黃鸝語未成不道江南春不

好年上衰病減心情

元十八從事南海欲出廬山臨別

舊居有戀泉聲之什因以投和兼

賢侯辟士禮從容莫戀泉聲問所從雨露

初承黃紙詔煙霞欲別紫霄峯傷弓未息

新驚鳥得水難留父卧龍我正退藏君變

化一杯可易得相逢

題韋家泉池

伸別情

題韋家泉池

呆落青山出白雲縈村遶郭幾家分自從

引作池中水深淺方圓一任君

臨風杪秋樹對酒長年人醉貌如霜葉雖

紅不是春遣懷

義和走馭趁年光不許人間日月長遂使

四時都似電爭教兩鬢不成霜榮銷枯去

無非命壯盡衰來亦是常已共身心要約

定窮通生死不驚忙

龍門點額點額魚意何如紅尾青鬢却返初見說
在天行雨苦為龍未必勝為魚

憐渠已解詠詩章聞龜兒詠詩搖膝支頤學二郎莫學
二郎吟太苦纔年四十髮如霜

未濟卦對酒中休卜命參同契裏莫勞心無如
飲此銷愁物一餉愁銷直萬金

碧萋紅縷年花時悵然有感東牆夜合樹去秋為風雨所摧今

去年牆下地今春唯有齊花開病起

病不出門無限時今朝強出與誰期經年

不上江樓醉勞動春風颺酒旗

三千里外夢亡友劉太白同遊彰敬寺昨夜

夢中彰敬寺死生魂魄暫同遊與采上人歿時題此决別兼簡二

本結菩提香火社為嫌煩惱電泡身不須

惆悵從師去先請西方作主人贈寫真者

子騁丹青日予當醜老時無勞役神思更畫病容儀迢迢麒麟閣圖功未有期區尺素上焉用寫真為時准寇初破

紅旗破賊非吾事黃紙除書死我名唯共

嵩陽劉處士圍碁賭酒到天明

十二年冬江西温暖喜元八寄金石凌到因題此詩

今冬臘候不嚴凝暖霧温風氣上騰山脚
掩中纔有雪江流慢處亦无冰欲將何藥
防春瘴只有元家金石凌

閑意

不爭榮耀任沉淪日與時疎共道親北省
朋僚音信断東林長老往還頻病停夜食
閑如社慵擁朝裘暖似春漸老漸諳閑氣
味終身不擬作忙人

送友人上峽赴東山辟命

見說瞿塘峽斜銜灩澦根難於尋鳥路險
過上龍門羊角風頭急桃花水色渾山迴
若鼉轉舟入似鯨吞岸合愁天断波跳恐
地翻憐君經此去為感主人恩

夜宿孟司功

潯陽白司馬夜送孟功曹江閣管絃思樓
明燈火高湖波翻似箭霜草殺如刀且莫

開征棹陰風正怒號

衰病

老辭遊冶尋花伴病別荒狂舊酒徒更恐
五年三歲後些上談笑亦應无

題詩屏風絕句并序

十二年冬微之猶滯通州予亦未離盜上
相去萬里不見三年鬱上相念多以吟詠
自解前後辱微之寄示之什殆數百篇雖
藏於篋中求以爲好短小麗絕者凡一百
所思繇是掇律句中短小麗絕者凡一百
首題錄合爲一屏風舉目會心叅若其人
在於前矣前輩作事多出偶然則安知此
屏不爲好事者所傳異日作九江一故事
爾因題絕句聊以獎之
相憶采君詩作幃自書自勘不辭勞幃成
定被人爭寫從此南中紙價高

蒼微之
題予詩予亦以微之於閬州西寺手
各以絕句相報答之
君寫我詩盈寺壁我題君句滿屏風與君
相遇知何處兩葉浮萍大海中

偶宴有懷

遇興尋文客因歡命酒徒
春遊憶親故夜會似京都
詩思閑仍在鄉愁醉慙无
狂來欲起舞慙見白髭鬚

山中酬江州崔使君見寄

春好醉
山明日且迴車
春好醉山居酒熟心相待
詩來手自書
庾樓

山枇杷

深山老去惜年華
况對東谿野枇杷
火樹風來翻絳艷
瓊枝日出曬紅紗
迴看桃李

都無色映得芙蓉不是花
爭柰結根深石底
無因移得到人家

聞李尚書拜相因以長句寄賀微之

隣君不久在通川
知己新提造化權
夔契定求才濟世
張雷應辯氣衝天
那知淪落天涯日
正是陶鈞海內年
肯向泥中拋折劍
不收重鑄作龍泉

歲暮

窮通急景坐相催
壯齒韶顏去不迴
舊病重因年老發
新愁多是夜長來
膏明自藝緣多事
鴈默先烹為不才
禍福細尋無會處
不如且進手中盃

雨中赴劉十九二林之期及到寺

雲中臺殿泥中路
既阻同遊懶却還
將謂劉已先去因以四韻寄之

獨愁猶對雨不知多興已尋山纔應行到
千峯裏只校來遲半日間最惜杜鵑花爛
熳春風吹盡不同攀

薔薇正開春酒初熟因招劉十九

張大夫崔十二同飲

甕頭竹葉經春熟階底薔薇入夏開似火
淺深紅壓架如錫氣味綠粘臺試將詩句
相招去儻有風情或可來明日早花應更
好心期同醉卯時盃

李白墓

采石江邊李白墳遶田無限草連雲可憐
荒隴窮泉骨曾有驚天動地文但是詩人
多薄命就中淪落不過君

對酒

漫把參同契難燒伏火砂有時成白首無
處問黃芽幻世如泡影浮生抵眼花唯將

綠醅酒

且替紫河車
戲荅諸少年

顧我長年頭似雪饒君壯歲氣如雲朱顏
今日雖欺我白髮他時不放君

風雨晚泊

苦竹林邊蘆葦叢停舟一望思無窮青苔
撲地連春雨白浪掀天盡日風忽七百年
行欲半茫茫萬事坐成空此生飄蕩何時
定一縷鴻毛天地中

題崔使君新樓

憂人何處可銷憂碧甃紅欄溢水頭從此
潯陽風月夜崔公樓替庾公樓

山中戲問常侍御

我抱棲雲志君懷濟世才常吟反招隱那
得入山來

贈雲禪師夢中作

五年不入慈恩寺，今日尋師始一來。欲知
火宅焚燒苦，方寸如今化作灰。

寄微之

帝城行樂日紛紛，天畔窮愁我與君。秦女
笑歌春不見，巴猿啼哭夜常聞。何處琵琶
絃似語，誰家局墮髻如雲。人生多少歡娛
事，那獨千分無一分。

醉吟

二首

空王百法學未得，姪女丹砂燒即飛。事上
死成身老也，醉鄉不去欲何歸。

兩鬢千莖新似雪，十分一盞欲如泥。酒狂
又引詩魔發，日午悲吟到日西。

曉寢

轉枕重安寢，迴頭一欠伸。紙窓明覺曉，布
被暖知春。莫強踈慵性，須安老大身。雞鳴
一覺睡，不博早朝人。

荅元八郎中楊十二博士

身學浮雲无所著，心同止水有何情。但知
蕭灑踈朝市，不要崎嶇隱姓名。盡日觀魚
臨澗坐，有時隨鹿上山行。誰能拋得人間
事，來共騰上過此生。

絕繼之

欲上瀛洲臨別時，贈君十首步虛詞。天仙
若愛應相問，向道江州司馬詩。
花紙瑤緘松墨字，把將天上共誰開。試呈
王母如堪唱，發遣雙成更取來。

贈李兵馬使

身得貳師餘氣槩，家藏都尉舊詩章。江南
別有樓船將鷺額，虬鬚不姓楊。

題遺愛寺前溪松

偃亞長松樹，侵臨小石溪。靜將流水對，高

共遠峯齊翠蓋烟籠密花幢雪壓低與僧
清影坐借鶴穩枝栖筆寫形難以琴偷韻
易迷暑天風械上晴夜露凄上獨憇依為
舍閑行繞作蹊棟梁君莫採留著伴幽棲
廬山草堂夜雨獨宿寄牛二李七
使三十二負外

丹宵携手三君子白髮垂頭一病翁
蘭省花時錦帳下廬山雨夜草菴中終身膠漆
心應在半路雲泥迹不同唯有無生三昧
觀榮枯一照兩成空

文昌新入有光輝紫界宮牆白粉闈曉日
雞人傳漏箭春風侍女護朝衣雪飄歌句
高難和鶴拂烟霄老慣飛官職聲名俱入
手近來詩客似君稀
三月三日懷微之

良時光景長虛擲壯歲風情已闋銷忽憶
同為校書日每年同醉是今朝
贈韋八
辭君歲久見君初白髮驚嗟兩有餘容鬢
別來今至此心情料取合何如會同曲水
花亭醉亦共華陽竹院居豈料天南相見
夜哀猿瘴霧宿匡廬

春江閑步贈張山人
江景又妍和牽愁發浩歌晴砂金屑色春
水麴塵波紅簇交枝杏青含卷葉荷藉莎
隣輒暖憇樹愛婆娑書信朝賢斷知音野
老多相逢不閑語爭柰日長何

春聽琵琶兼簡長孫司戶
四絃不似琵琶聲亂寫真珠細撼鈴指底
商風悲颺上舌頭胡語苦醒上如言都尉
思京國似訴明妃厭虜庭遷客共君相勸

諫春腸易斷不須聽

吳宮詞

一入吳王殿，無人覩翠娥。樓高時見舞，宮靜夜聞歌。半露曾如雪，斜迴險似波。妍媸各有分，誰敢妬恩多。

送韋侍御量移金州司馬

春歡雨霽同，霑澤冬歎風。霜獨滿衣留，滯多時如我。少遷移好處，似君稀卧龍。雲到須先起，蟄驚雷驚尚。未飛莫恨東西瀟，水別滄溟長短擬同歸。

自到潯陽生三女子因詮真理用遣妄懷

宦途本自安，身拙世累由。來向老多遠，謫四年徒已矣。晚生三女擬如何，預愁嫁娶真成患。細念因緣盡是魔，賴學空王治苦法。須拋煩惱入頭陀。

江西裴常侍以優禮見待又蒙贈詩輒叙鄙誠用伸感謝

一從簪笏事金貂，每借溫顏放折腰。長覺身輕離泥滓，忽驚手重捧瓊瑤。馬因迴顧雖增價，桐遇知音已半樵。他日秉鈞如見念，壯心直氣未全銷。

自江州司馬授忠州刺史仰荷聖澤聊書鄙誠

炎瘴拋身遠，泥塗索脚難。網初鱗撥刺，籠久翅摧殘。雷電頒時令，陽和變歲寒。遺簪承舊念，剖竹授新官。鄉覺前程近，心隨外事寬。生還應有分，西笑問長安。

除忠州寄謝崔相公

提拔出泥知力竭，吹噓生翅見情深。劒鋒缺折難衝斗，桐尾燒焦豈望琴。感舊兩行年老淚，酬恩一寸歲寒心。忠州好惡何須

曰之感思
常侍至
矣

問鳥得辭籠不擇林

初除官蒙裴常侍贈鵲街瑞草緋

袍魚袋因謝惠貺兼杼離情

新授銅符未著緋因君裝束始光輝惠深

范叔綈袍贈榮過蘇秦佩印歸魚綴白金

隨步躍鵲街紅綬遶身飛明朝戀別朱門

淚不敢多垂恐汗衣

洪州逢熊孺登

靖安院裏辛美下醉笑狂吟氣最麓莫問

別來多少苦低頭看取白髭鬚

初著刺史緋荅友人

故人安慰善為辭五十專城道未遲徒使

花袍紅似火其如蓬鬢白成絲且貪薄俸

君應惜不稱衰容我自知銀印可憐將底

用只堪歸舍嚇妻兒

又荅賀客兒

銀章暫假為專城賀客來多懶起迎似挂
緋衫衣架上朽株枯竹有何榮

別草堂三絕句

正聽山鳥向陽眠黃紙除書落枕前為感

君恩湏暫起鑪峯不擬住多年

父眠褐被為居士忽挂緋袍作使君身出

草堂心不出廬山未要勒移文

三間茅舍向山開一帶山泉遶舍迴山色

泉聲莫惆悵三年官滿却歸來

鍾陵餞送

翠幕紅建高在雲歌鍾一曲萬家聞路人

指點滕王閣看送忠州白使君

尋陽宴別

鞍馬軍城外笙歌祖帳間乘潮發盈口帶

雪別廬山暮景牽行色春寒散醉顏共嗟

炎瘴地盡室得生還

戲贈戶部李巡官
好去民曹李判官少貪公事且謀歡男兒
未死爭能料莫作忠州刺史看

連山斷颶大江流紅旆透迤鎮上遊幕下
翱翔秦御史軍前奔走漢諸侯曾陪劍履
升鸞殿欲謁旌幢入鶴樓假著緋袍君莫
笑恩深始得向忠州

早接清班登玉陛同承別詔直金鑾鳳巢

閣上容身穩鶴籙籠中展翅難流落多年
應是命量移遠郡未成官慙君獨不欺顛
額猶作銀臺舊眼看

對鏡吟

閑看明鏡坐清晨多病姿容半老身誰論
情性乖時事自想形骸非貴人三殿失恩

宜放棄九宮推命合漂淪如今所得須甘
分腰佩銀龜朱兩輪

江州赴忠州至江陵已來舟中示
舍弟五十韻

昔作咸秦客常思江海行今來仍盡室比
去又專城典午猶為幸分憂固是榮
州乘送艤艤驛船迎共載皆妻子同遊即
弟兄寧辭浪迹遠且貴賞心并雲展帆高
掛颶馳棹迅征沂流從漢浦循路轉荆衡
山逐時移色江隨地改名風光近東早水
木向南清夏口烟孤起湘川雨半晴日煎
紅浪沸月射白砂明北渚寒留鴈南枝暖
待鶯駢朱桃露萼點翠柳含萌亥市魚鹽
聚神林鼓笛鳴壺漿椒葉氣歌曲竹枝聲
繫纜憐沙靜垂輪愛岸平水食紅粒稻野
茹紫花菁甌汎茶如乳臺粘酒似餠膾長

抽錦縷藕脆削瓊英容易來千里斯須進
一程未曾勞氣力漸覺有心情卧穩添春
睡行遲帶酒醒忽愁牽世網便欲濯塵纓
早接交場戰會爭翰苑盟掉頭稱俊造翹
足取公卿且昧隨時義徒輸報國誠衆排
恩易失偏歷勢先傾虎尾憂危切鴻毛性
命輕燭蛾誰救護蠶繭自纏縈紫斂手辭雙
闕迴眸望兩京長沙批賈誼漳浦卧劉楨
鷓鴣鳴還歇蟾蜍破又盈年光同激箭鄉
思極搖旌潦倒親知笑衰羸舊識驚烏頭
不成孤舟萍一葉雙鬢雪千莖老見人情
盡閑思物理精如湯探冷熱似博聞輸贏
險路應須避迷塗莫共爭此心知止足何
物要經營玉向泥中潔松經雪後貞無妨
隱朝市不必謝寰瀛但在前非悟期無後

患嬰多知非景福少語是元亨晦即全身
藥明為伐性兵昏上隨世俗蠢上學黎毗
鳥以能言構龜緣入夢烹知之一何晚猶
足保餘生

題岳陽樓

岳陽城下水漫上獨上危樓凭曲欄春岸

綠時連夢澤夕波紅處近長安猿攀樹立
啼向苦鴈點湖飛渡亦難此地唯堪畫圖

障華堂張與貴人看
入峽次巴東

不知遠郡何時到酒喜全家此去同萬里
王程三峽水百年生計一舟中巫山暮足

霑花雨隴水春多逆浪風兩片紅旌數聲
鼓使君艤艤上巴東

十年三月三十日別微之於澧上
十四年三月十一日夜遇微之於


峽中停舟夷陵三宿而別言不盡者以詩終之因賦七言十七韻以贈且欲寄所遇之地與相見之時為他年會話張本也


豐水店頭春盡日送君上馬謫通川夷陵
峽口明月夜此處逢君是偶然一別五年
方見面相携三宿未迴船坐從日暮唯長
歎語到天明竟未眠齒髮蹉跎將五十關
河迢遞過三千生涯共寄滄江上鄉國俱
拋白日邊往事渺茫都似夢舊游零落半
歸泉醉悲灑淚春盃裏吟苦支頤曉燭前
莫問龍鍾惡官職且聽清脆好文篇別來
只是成詩癖老去何曾更酒顛各限王程
須去住重開離宴貴留連黃牛渡北移征
棹白狗崖東卷別筵神女臺雲閣繚繞使
君灘水急潺湲風淒暝色愁楊柳月弔宵

聲哭杜鵑萬丈赤幢潭底日一條白練峽
中天君還秦地辭炎徼我向忠州入瘴煙
未死會應相見在又知何地復何年

題峽中石上

巫女廟花紅似粉昭君村柳翠於眉誠知
老去風情少見此爭無一句詩





Vertical text on the right edge of the page, likely a page number or title, written in Chinese characters. The characters are partially obscured by the binding of the book.

